

KJKP "VODOVOD I KANALIZACIJA" d.o.o. SARAJEVO
v.d. DIREKTOR
Izvod broj: 15/18

Sarajevo, 25. 04. 2018 godine

Na osnovu člana 69. stav 2. tačka e) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj 15/18 od 10.04.2018. godine, u postupku javne nabavke br. 15/18-"Čelične cijevi i hamburški lukovi" donosi se :

ODLUKA

o poništenju postupka javne nabavke

Član 1.

Poništava se postupak javne nabavke broj 15/18 za nabavku roba: "**Čelične cijevi i hamburški lukovi**" iz razloga jer su cijene svih prihvatljivih ponuda znatno veće od osiguranih sredstava za predmetnu nabavku a sve u skladu sa odredbama člana 69. stav 2. tačka e) ZJN.

Član 2.

Ova odluka objavit će se na web stanici : www.viksa.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj : 15/18 od 08.03.2018. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj : 247-1-1-38-3-118/18 poslato je na objavljivanje na Portal javnih nabavki dana 13.03.2018. godine, a sažetak obavještenja o nabavci objavljen je u Sl. glasniku BiH broj 18 od 16.03.2018. godine.

Komisija za javnu nabavku imenovana je Rješenjem br. 18-12-01/17 od 18.12.2017 godine, Rješenjem o izmjeni Rješenja o imenovanju Komisije za javne nabavke br. 23-02-01/18 od 23.02.2018. godine i dopunskim Rješenjem članova komisije broj 15/18-1 od 08.03.2018.godine.

Komisija za javnu nabavku dostavila je dana 18.04.2018.g. Preporuku o poništenju postupka javne nabavke za nabavku roba : "**Čelične cijevi i hamburški lukovi**"- tender broj 15/18

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 3 (tri) ponude: "Ferhem" d.o.o. Lukavac,"Euro-Metali" d.o.o. Doboj Jug i " Treasure" d.o.o. Zenica
- Da su blagovremeno zaprimljene: 3 (tri) ponude: "Ferhem" d.o.o. Lukavac,"Euro-Metali" d.o.o. Doboj Jug i " Treasure" d.o.o. Zenica
- Da nije bilo neblagovremeno zaprimljenih ponuda

Navedeni ponuđači su preuzeli tendersku dokumentaciju sa Portala javnih nabavki i samim tim ostvarili pravo učešća u postupku.

- Da dostavljene ponude ponuđača: "Ferhem" d.o.o. Lukavac,"Euro-Metali" d.o.o. Doboj Jug i " Treasure" d.o.o. Zenica, ispunjavaju zahtjevane TD uslove prema obliku i potpunosti u smislu pripreme ponuda.
- Ponude ponuđača: "Ferhem" d.o.o. Lukavac,"Euro-Metali" d.o.o. Doboj Jug i " Treasure" d.o.o. Zenica, ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ponuda ponuđača: "Ferhem" d.o.o. Lukavac i "Euro-Metali" d.o.o. Doboj Jug konstatovano je da navedeni ponuđači u svojim dostavljenim specifikacijama, koje su sastavni dio Obrasca za cijenu ponude – Aneks III, Prilog 2., nisu popunili sljedeće kolone :

Ponuđač : „Ferhem“ d.o.o. Lukavac :

- kolona 6. „Kataloška oznaka“.

Ponuđač : „Euro-Metali“ d.o.o. Doboj Jug

- kolona 4. „Proizvođač zemlja porijekla“

- kolona 5. „Standard-kvalitet“ i

- kolona 6. „Kataloška oznaka“.

Nepopunjavanjem navedenih kolona traženim podacima ponuđači "Ferhem" d.o.o. Lukavac i "Euro-Metali" d.o.o. Doboj Jug nisu ispunili zahtjeve ugovornog organa odnosno nisu postupili u skladu sa tačkom 20. tenderske dokumentacije „Obrazac za cijenu ponude“ koja određuje da se Obrazac za cijenu ponude koji je dat kao Prilog 2. tenderske dokumentacije – Aneks III, priprema u skladu sa zahtjevima iz tenderske dokumentacije i čini sastavni dio tenderske dokumentacije.

Komisija konstatuje da ponuđači: "Ferhem" d.o.o. Lukavac i "Euro-Metali" d.o.o. Doboj Jug nisu postupili u skladu sa zahtjevima ugovornog organa iz tenderske dokumentacije, te se ponude ovih ponuđača odbacuju kao neprihvatljive, a sve u skladu sa tačkom 68. stav (4) pod i) Zakona o javnim nabavkama.

Komisija konstatuje da je ponuđač "Treasure" d.o.o. Zenica dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da ponuda ponuđača "Treasure" d.o.o. Zenica ispunjava zahtjeve u pogledu opisa predmeta nabavke i tehničke specifikacije.

Konstatovano je i da je ponuda ponuđača "Treasure" d.o.o. Zenica potpisana od strane ovlaštenog lica ponuđača i ovjerena pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Komisija je konstatovala da vrijednost ponude ponuđača "Treasure" d.o.o. Zenica znatno premašuje procjenjenu vrijednost koja za predmetnu nabavku iznosi 50.000,00 KM, a vrijednost ponude ponuđača "Treasure" d.o.o. Zenica iznosi 61.069,20 KM.

Polazeći od gore navedenih konstatacija i činjenice da su cijene svih prihvatljivih ponuda znatno veće od osiguranih sredstava za predmetnu nabavku, utvrđeno je da su ispunjeni uslovi iz člana 69. stav 2. tačka e) ZJN za poništenje postupka javne nabavke, za predmetnu nabavku roba: "**Čelične cijevi i hamburški lukovi**" – tender broj 15/18, donese odluku o poništenju postupka javne nabavke.

Iz gore navedenih razloga, primjenom člana 69. stav 2. tačka e) ZJN, donesena je Odluka o poništenju postupka kao u članu 1. ove odluke.

Pouka o pravnom lijeku:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Madžić
Muzur
Dostaviti:
-Ponuđaču
-a/a


v.d. Direktor
Azra Muzur

Azra Muzur, dipl.inž.građ.